

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Odbor za ekonomsku i razvojnu politiku,  
finansije i budžet

Primljeno: 31-01-2025			
Org. jed.	Broj	Priloga	Vrijednost

Broj: 02/11-02-327/25  
Sarajevo, 31.1.2025.

**DOMU NARODA**  
**PARLAMENTA FEDERACIJE BOSNE I HERCEGOVINE**

Odbor za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine održao je 21. sjednicu Odbora dana 31.1.2025. godine. Sjednici Odbora prisustvovalo je šest članova Odbora, čime su ispunjeni uslovi za punovažan rad u pogledu kvoruma i odlučivanja.

Na sjednici je usvojen i razmatran sljedeći dnevni red:

1. Prijedlog Budžeta Federacije Bosne i Hercegovine za 2025. godine – hitni postupak,
2. Prijedlog zakona o izvršavanju Budžeta Federacije Bosne i Hercegovine za 2025. godinu – hitni postupak,
3. Prijedlog zakona o izmjenama i dopuni Zakona o budžetima u Federaciji Bosne i Hercegovine - hitni postupak,
4. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu– hitni postupak,
5. Prijedlog odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog Zavoda za zapošljavanje za 2025. godinu– hitni postupak.

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", br. 27/03, 21/09, 24/20 i 60/24), Odbor podnosi Domu naroda sljedeći:

**IZVJEŠTAJ**

**1. Prijedlog Budžeta Federacije Bosne i Hercegovine za 2025. godine – hitni postupak**

Odbor je utvrdio da je Prijedlog Budžeta Federacije Bosne i Hercegovine za 2025. godine, u skladu s članom 201. Poslovnika o radu, podnio ovlašteni predlagač Vlada Federacije BiH. U okviru ove tačke dnevnog reda, Odbor je razmatrao i amandmane na Prijedlog Budžeta u parlamentarnoj proceduri i to amandman delegatkinje Fatime Gavrankapetanović Smailbegović, amandman delegata Fahrudina Čolakovića i tri amandmana koje su podnijeli delegati Almir Dorić, Sandra Imširović i Žarko Vujović.

Nakon uvodnog izlaganja predstavnika predlagača i rasprave na sjednici Odbora, članovi Odbora su se izjasnili o podnesenim amandmanima na Prijedlog Budžeta, te o Prijedlogu Budžeta Federacije Bosne i Hercegovine za 2025. godinu.

Prilikom izjašnjavanja o amandmanu delegatkinje Fatime Gavrankapetanović Smailbegović, članovi Odbora nisu podržali amandman na Prijedlog Budžeta jer sa dva glasa za, dva *suzdržana* i dva glasa *protiv* nije dobio potreban broj glasova većine od ukupnog broja članova Odbora.

Pri izjašnjavanju o amandmanu delegata Fahrudina Čolakovića, članovi Odbora nisu podržali amandman na Prijedlog Budžeta jer sa četiri glasa *za* i dva *suzdržana* glasa nije dobio potreban broj glasova većine od ukupnog broja članova Odbora.

Pri izjašnjavanju za svaki pojedinačni amandman od tri podnešena amandmana od delegata Almira Dorića, Sandre Imširović i Žarka Vujovića, članovi Odbora nisu podržali niti jedan amandman na Prijedlog Budžeta jer sa dva glasa *za*, dva *suzdržana* glasa i dva glasa *protiv* niti jedan amandman nije dobio potreban broj glasova većine od ukupnog broja članova Odbora.

Pri izjašnjavanju o Prijedlogu Budžeta, Odbor nije imao potrebnu većinu da donese odluku kojom Odbor predlaže Domu naroda usvajanje Prijedloga Budžeta Federacije Bosne i Hercegovine za 2025. godinu jer sa četiri glasa *za* i dva *suzdržana* glasa Prijedlog Budžeta nije dobio potreban broj glasova većine od ukupnog broja članova Odbora.

## **2. Prijedlog zakona o izvršavanju Budžeta Federacije Bosne i Hercegovine za 2025. godinu – hitni postupak**

Odbor je utvrdio da je Prijedlog zakona podnio ovlašteni predlagač, Vlada Federacije BiH. Nakon uvodnog izlaganja predstavnika predlagača i rasprave na sjednici Odbora, Odbor nije imao potrebnu većinu da donese odluku kojom Odbor predlaže Domu naroda usvajanje Prijedloga zakona o izvršavanju Budžeta Federacije Bosne i Hercegovine za 2025. godinu jer sa četiri glasa *za* i dva *suzdržana* glasa Prijedlog zakona nije dobio potreban broj glasova većine od ukupnog broja članova Odbora.

## **3. Prijedlog zakona o izmjenama i dopuni Zakona o budžetima u Federaciji Bosne i Hercegovine - hitni postupak**

Odbor je utvrdio da je Prijedlog zakona podnio ovlašteni predlagač, Vlada Federacije BiH. Nakon uvodnog izlaganja predstavnika predlagača i rasprave na sjednici Odbora, Odbor nije imao potrebnu većinu da donese odluku kojom Odbor predlaže Domu naroda usvajanje Prijedloga zakona o izmjenama i dopuni Zakona o budžetima u Federaciji Bosne i Hercegovine jer sa četiri glasa *za* i dva *suzdržana* glasa Prijedlog zakona nije dobio potreban broj glasova većine od ukupnog broja članova Odbora.

## **4. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu – hitni postupak**

Odbor je utvrdio da je Prijedlog odluke podnio ovlašteni predlagač, te je nakon rasprave sa šest glasova *za*, jednoglasno podržao Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu. Odbor predlaže Domu naroda da donese Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2025. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2025. godinu.

**5. Prijedlog odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog Zavoda za zapošljavanje za 2025. godinu– hitni postupak**

Nakon obrazloženja predstavnika ovlaštenog predlagača i rasprave, Odbora je sa šest glasova za, jednoglasno podržao Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog Zavoda za zapošljavanje za 2025. godinu. Odbor predlaže Domu naroda da donese Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju Finansijskog plana Federalnog Zavoda za zapošljavanje za 2025. godinu.

U skladu s članom 51. Poslovnika, za izvjestioca na sjednici Doma naroda ispred Odbora određena je Amra Babić, predsjednica Odbora.

PREDSJEDNICA ODBORA

  
Amra Babić